

# EBIRABO BY'OMWOYO

**Ebirabo by'Omwoyo: Eby'okusomako**

**Eby'okuwandiika —**

**EKIBIINA #1:**

- I. Enyanjula.
- II. Ebirabo by'Omwoyo Omutukuvu:
  - A. Essomo ku 1 Kol 12:1-11.
  - B. Ekitundu kyekitegeeza (1 Kol 12:1-11).
  - C. Ensibuko ya 1 Kol 12:1-11.

**EKIBIINA #2:**

- II. Ebirabo by'Omwoyo Omutukuvu: (okwongerako.)
  - D. Ebirabo by'Omwoyo Omutukuvu kyebikiikirira.

**EKIBIINA #3:**

- II. Ebirabo by'Omwoyo Omutukuvu: (okwongerako.)
  - E. Okusengeka kwa 1 Kol 12:8-10.
  - F. Okuyiga ku Buli Kirabo.

**EKIBIINA #4:**

- III. Ebirabo by'okukozesa ku lw'Ekisa kya Katonda:
  - Ekifananyi Ekisooka.
  - Ekifananyi Eky'okubiri.

**EKIBIINA #5:**

- III. Ebirabo Eby'okukozesa ku lw'Ekisa kya Katonda. (okwongerako.)
- IV. Ebirabo bya Kristo Ebituukiriza.
  - Eby'okwongerako: Okuyita mu Birabo By'okukozesa

# EBIRABO BY'OMWOYO

Eby'okuwandiika —

## Ebirabo by'Omwoyo: Ekigezo

### Obubonero 20 Bwoyinza Okufuna mu Bibuuzo bino

- 1) Nyonyola engeri Obusatu bwa Katonda gyebulabwa mu lukalala lw'ebirabo by'omwoyo n'engeri ekyo gyekiyinza okukwaatagana n'enkalala z'ebika ebisatu eziri mu Ndagaano Empya (emp. 261-263, 265, 266).
- 2) Nyonyola enjawulo eriwo wakati w'ebirabo eby'Omwoyo n'ebibala by'Omwoyo (emp. 267, 268).
- 3) Nyonyola okukola kw'obwa Katonda n'obuntu nga bwebikwaatagana n'ebirabo by'Omwoyo (emp. 268-271).
- 4) Teekawo oba gunjaawo ensonga kwosinziira okulamula ebirabo by'Omwoyo (emp. 271, 272).
- 5) Londayo ekirabo kimu eky'Omwoyo okinyonyole kozesa ebyawandiikibwa eby'enjawulo (emp. 280-286).
- 6) Londayo kimu ku birabo by'ekisa kya Katonda era owandiike n'ebiraga ababirina eby'enjawulo, kwebisa essira na wa webiri (webiteekeddwa), n'endwadde z'ekirabo (olup. 290, 291).

### Obubonero 10 Bwoyinza Okufuna mu Bibuuzo Bino

- 1) Wandika ebirabo omusanvu ebisangibwa mu Bar 12:6-8 (emp. 261).
- 2) Enkalala esatu ez'ebirabo ziraga ki? Lwaki kino kikulu (olup. 260).
- 3) Nyonyola ekirowoozo "ky'okulabisibwa oba okukola" (emp. 266, 267).
- 4) Mungeri ki ebiri ebirabo by'Omwoyo gyebigasamu era gyebizimbamu abakkiriza bonna (emp. 273, 274).
- 5) Kozesa 1 Kol 4:7 okulaga lwaki tewalina kubaawo kwenyumiriza olw'ebirabo (olup. 274).
- 6) Birabo ki ebisinga obukulu? (emp. 275-277).
- 7) Wandika ebirabo by'Omwoyo okusinziira ku bika ebisatu (olup. 279).
- 8) Kozesa Ebyawandiikibwa bibiri okulaga engeri ebirabo "ebikola" gyebiyinza okuweebwa nga wakalokoka oba nga wakazaalibwa (emp. 288, 289).
- 9) Wandika obulwadde busatu obukwaatagana n'obunnabbi (olup. 290).
- 10) Ekirabo ky'okusaasira kissa ku ki essira ? (olup. 291).
- 11) Wa eky'okulabirako kya Baibuli n'ekigambo ekikulu ekikwaata ku kirabo ky'okulemba (olup. 291).
- 12) Lwaki tugamba nti ebirabo bya Bef 4 birabo bya buweereza? (olup. 293).

# EBIRABO BY'OMWOYO

## I. Enyanjula.

Eby'okuwandiika —

### A. Ekigendererwa ky'Essomo Lino.

#### 1. Omugaso gw'ebirabo by'Omwoyo.

a. Omugaso gw'Omwoyo omutukuvu n'obuweereza Bwe mu bulamu n'okuyita mu bulamu Obukristaayo gweraga gwokka. Tulina okuyiga n'okutegeera enkola n'ebirabo by'Omwoyo.

1) Omwoyo y'akyuusa (Yok 3:3, 5), abeera mufu (Bar 8:11), yafukako amafuta (1 Yok 2:20, 27), akulembera n'alumiriza (Yok 16:8-11), ayigiriza era abeera (Yok 14:26), ate n'agaba ebirabo (1 Kol 12:3-11).

2) Ebirabo bino (tujja kussukkawo ku birabo ebikwaatagana ddala Omwoyo Omutukuvu okutwaliramu "ebirabo by'omwoyo" ebirala ebya Katonda) byetaagisa mu bulamu bwaffe n'obuweereza. Awatali byo tulina kyetuba tubulako. Bwetuba nabyo ekanisa agenda mu maaso ng'etuukirizidwa, esobozeseddwa ate ng'erina amaanyi.

b. Paulo ajuliza ku bukulu bw'ebirabo bwagamba "saagala mwe obutabitegeera" (1 Kol 12:1).

#### **Omuwandiisi Kyakyogerako:**

Ebirabo by'Omwoyo ky'ekigambo eky'wamu ekikozesebwa ku bika byonna eby'ebirabo ebikwaatagana n'ebintu by'omwoyo.

Essomo lino lijja kwogera ku birabo eby'omwoyo bya bika bisatu:

- 1) Ebirabo by'Omwoyo omutukuvu (ebirabo ebiraga) ebinyonyolwa 1 Kol 12:8-10.
- 2) Ebirabo Eby'ekisa kya Katonda (oba ebirabo eby'okukola omulimu) ebinyonyolwa mu Bar 12:6-8.
- 3) Ebirabo bya Kristo (oba ebirabo by'obuweereza) ebinyonyolwa mu Bef 4:11, 12).

# EBIRABO BY'OMWOYO

Eby'okuwandiika —

2. Ebirabo by'Omwoyo birina okugatta omubiri gwa Kristo.

a. Katonda tawa kkanisa birabo kugyawukanya. Kino kiba kikontana n'ekiruubirirwa kye awamu n'okuyaayaana kwe nga kwekugatta omubiri gwa Kristo. Songa "ebirabo" tebikozeseddwa bulungi okutuuka okwawukanya ekkana.

b. Obumu ky'ekiva mu birabo by'Omwoyo ebisatu ebiweereddwa.

1) 1 Kol 12:8-10.

a) Ebirabo by'Omwoyo Omutukuvu ebiweereddwa mu 1 Kol 12:8-10 bikulemberwa okubuulirirwa okw'okubeera obumu ku meeza ya Mukama (11:17-34).

b) Amangu ago olukalala luddirirwa okumu ku kuyigiriza okukulu okw'obumu (12:12-31).

c) Essira ly'enyiriri ezikulembera n'eziddirira olukalala (laba 12:4-7,11) liri ku bumu. Genderera okuddingana mu nyiriri zino ez'ebigambo nga **ali omu, akola byonna, ne bonna**.

2) Bar 12:6-8.

a) Olukalala lw'ebirabo luno lukulemberwa okunyonyola kw'amazima g'obumu (olwo.-5).

b) Luddirirwa okussa essira ku bumu okuyita mu **kwagala** (olwo. 9), **okwagalana n'okusanganamu ekitiibwa** (olwe. 10), **okwaniriza abagenyi** (olwe. 13), **okulowooza obumu** (olwe. 16), **okutabagana** (olwe. 18).

3) Bef 4:11.

a) Olukalala lw'ebirabo luno nalwo lukulemberwa okussa essira ku bumu (olwo.3) Era genderera okuddingana kw'ekigambo "omu" mu lwo 4-6.

b) Era luddirirwa okussa amaaso ku bumu. Ddala ekigendererwa ky'ebirabo kyeniyini kwekuleetawo obumu (lowooza olwe. 13, 16).

# EBIRABO BY'OMWOYO

## B. Ebiri mu Ssomo Lino.

Eby'okuwandiika —

1. Ebiri mu ssomo lino bijja kusinziira ku kuyiga ku nkalala esatu enkulu "ez'ebirabo by'omwoyo."
2. Kozesa ekipande kino wansi ng'enyanjula eri ebirabo bino (**Genderera:** Ng'omutwe gw'essomo lino bweguli, essira tujja liteeka ku kuyiga ebirabo by'Omwoyo Omutukuvu ebisangibwa mu 1 Kol 12:8-10).

	Bef 4:11,12	Bar 12:6-8	1 Kol 12:8-10
Olukalala lw'ebirabo	Batume Bannabbi Babuulizi Basumba Basomesa	Bunnabbi Kuweereza Kuyigiriza Kubuulira Kugaba Kukulemba Kusaasira	Kigambo ky'amagezi Kigambo ky'okutegeera Kukkiriza Ebirabo eby'okuwonya Okukola ebyamagero Okulagula Okwawula emyoyo Engeri z'ennini okuvuunula ennimi
Omuwendo Gw'ebirabo	5	7	9
Abigaba	Kristo	Katonda	Omwoyo Omutukuvu
Ekika ky'ebirabo n'ekigambo ky'oluyonani Bwebikwaatagana	Ebirabo bya Kristo  Domata (olwo 8)	Ebirabo ku lw'Ekisa kya Katonda  Christmata (olwo 6)	Ebirabo by'Omwoyo Omutukuvu  Pneumatikos (olu 1)
Kyebinyonyola	Birabo Bya Buweereza	Birabo Ebikola	Birabo Ebiraga
Ebitundu Bwebikwaatagana	1 Kol 12:27-30 1 Tim 4:14 2 Tim 1:6	1 Peet 4:10,11	Bar 1:11  1 Kol 12:27-30

### Eky'okubaganyako Ebirowoozo

Ebika eby'ebirabo eby'enjawulo ebisatu buli kimu kikwaatagana n'omuntu ow'enjawulo mu busatu bwa Katonda era n'emigaso gyabyo myawufu. Yanjula mu bufunze era oyogere ku migaso gino esatu emyawufu.

# EBIRABO BY'OMWOYO

Eby'okuwandiika —

## II. Ebirabo by'Omwoyo Omutukuvu (okusinziira ku kuyigiriza kwa of Dr. J.R. Williams).<sup>1</sup>

### A. Okuyiga ku 1 Kol 12:1-11.

1. Kirabika bulungi nti olukalala lw'ebirabo mu nyiriri. 8-10 byo birabo bya Mwoyo Mutukuvu.
  - a. Mu lunny. 1 Paulo alaga nti awandiika ku "pneumatika" oba ebirabo eby'omwoyo
  - b. Mu lwo. 4 agatta ekiruubirirwa ky'ebirabo ku Mwoyo Omutukuvu.
  - c. Mu lwe. 11 era ayongerera okukiggumiza nti ensibuko y'ebirabo by'omwoyo ebiri ku lukalala ye Mwoyo Omutukuvu.
2. Ekisanyusa, Paulo alinga ayogera ku "birabo" eby'emirundi esatu mu nyiriri olwo. 4-6.
  - a. Mu lwo. 4 ayogerera ddala ku birabo byenyini byanawandiika mu kitundu kino. Birabo bya Mwoyo ("pneumatika": olunyiriri. 1).
    - 1) Jukira nti mu Bef 4:11 waliwo olukalala olulala olw'ebirabo ebikwatagana ne Mukama waffe Yesu.
    - 2) Ebirabo bino birabikira ddala nti bya njawulo ku birabo eby'omwoyo ebiri mu 1 Kol 12.
    - 3) Mu kwawula wakati w'enkalala ebiri, tuyinza okulowooza ku birabo by'omu Bef 4:11 ng'ebirabo by'obuweereza Kristo byawa Ekkansa, obutafananako nga ebirabika eby'Omwoyo ebiweebwa buli omu mu kiseera wekyetaagisa (1 Kol 12:7).
  - c. Mu lwo. 6 Paulo ayogera ku "kukola" Bino bikwaatagana ne "Katonda"
    - 1) Jukira nti mu Bar 12:6-8 waliyo olukalala lw'ebirabo olulala olukwaatagana ne Katonda Kitaffe (laba Bar 12:3).

# EBIRABO BY'OMWOYO

- 2) Ebirabo bino birabikira ddala nti bya njawulo ku birabo eby'omwoyo ebiri mu 1 Kol 12.
- 3) Mu kwawula wakati w'enkalala ebiri, tuyinza okulowooza ku birabo ebiri mu Bar 12:6-8 ng'ebikolwa (amaanyi, okukola, okuwagirwa, oba ekintu ekifuula omuntu okuba nga bwaali) Katonda kyakola mufte, obutafanana ng'ebiraga Omwoyo Omutukuvu .

Eby'okuwandiika —

## Eky'okubaganyako Ebirowoozo

Yogera okugenda ewala ku kibuzo kyonna oba kyonna ekiyinda okwogerwa ku njawulo wakati w'ebirabo ebiri mu

1 Kol 12:8-10; Bef 4:11, 12, ne Bar 12:6-8.

Guno musinji mukulu ku kutegeera ebirabo by'omwoyo byonna ebya Katonda.

### B. Ekitundu kyekitegeera (1 Kol 12:1-11).

1. Kikulu okumanya nti Paulo yali awandiikira Bakolinso ku kiki kyebali bamaze okulaba n'okufuna.
  - a. Ekanisa y'omu Kolinso yali tebulako pneumatic (okukulemberwa Omwoyo Omutukuvu) Ebirabo by'omwoyo Omutukuvu byali bikola mu bungi.
  - b. Tunula weekalirize 1 Kol 1:5-7 ogenderere nti okukakasa okwogerwako oba oli awo kwekufuna Ekirabo ky'Omwoyo Omutukuvu (genderera bwebifanana ne Bik 15:8).
  - c. Abakolinso baali bamanyi nyo ebirabo eby'Omwoyo. Omutukuvu. Songa baali bakyetaaga okubuulirirwa. Mu ngeri eno baali "tebategeera" (1 Kol 12:1). Baali babulako okutegeera. Nekiba nti, baali betaaga okuyiga engeri y'okuleka ebirabo bikole mu ngeri esaanidde era mu mpisa ennungi (1 Kol 14:39, 40).

# EBIRABO BY'OMWOYO

Eby'okuwandiika —

2. Kikulu okutegeera nti obungi bw'ebirabo eby'omwoyo kitegeeza bungi bwa Mwoyo yenyini.
  - a. Nga bwetwakirabye edda okukwaatagana kuno kwakoleddwa mu 1 Kol 1:5-7. Okubeerawo kw'ebirabo by'omwoyo kitegeeza okubaawo kw'ekirabo ky'Omwoyo (okujjula, oba okubatizibwa oba ekisuubizo; laba Bik 1:4,5, 8).
  - b. Okubigatta era kwaliwo Paulo bweyayogera ku kubeera n'obujjuvu bw'Omwoyo yenyini mu 12:13 (okunywesebwa mu Mwoyo). Ebirabo by'Omwoyo birabisibwa mu kutegeeza okufukibwako oba okujjula Omwoyo.
3. Omutwe gw'ebirabo by'omwoyo mu nkula yagwo gulimu kufuna na kwenyigira mu byo (ebirabo). Kiba tekigasa kwogera ku birabo bya Mwoyo wabweeru w'okubifuna n'okubyenyigiramu. Okweyigira mu birabo kwekutegeeza kwa 1 Kol 12-14.

## Eky'okubaganyako Ebirowoozo

Tusobola tutya ng'abakulembeze okuyigiriza ku birabo by'Omwoyo, okujjako nga tuwagira era nga twaniriza okubaawo kw'amaanyi g'Omwoyo era netukkiriza ebirabo okufunibwa? Yogera ku birowoozo ebisobozesa kino okubaawo mu ngeri ennungi era eteriiko kwekubiira.

# EBIRABO BY'OMWOYO

## C. Ensibuko ya 1 Kol 12:1-11.

Eby'okuwandiika —

### 1. Kristo okuba nga ye Mukama.

- a. Paulo akiraga bulungi nti kiri mu kutegeera nti Yesu ye Mukama mwokka ebirabo by'Omwoyo mwebirabisibwa.
- b. Okusenziira ku lwo. 3, Kristo okubeera Mukama kikwaataganira ddala ku kubeera "mu" Mwoyo. Okukwaatagana kuno kukolebwa nga olukalala lw'ebirabo by'omwoyo telunaweebwa.
  - 1) Waliwo enkolagana y'ensibuko n'okukola eriwo wano. Ekintu ekikulu okugenderera kiri nti Omwoyo (okuba ensibuko) y'aleetera omuntu okusobola okufuula Kristo Mukama we, naye Kristo okuba Mukama y'aleetera (nga ensibuko) ebirabo by'omwoyo okulabisibwa.
  - 2) Kwekugamba nti “abantu ba pneumatic ” si bantu ab'omwoyo, naye bantu abali mu Kristo. Ekiimbiddwako essira si Mwoyo, kubanga Omwoyo teyesaako ssira.Essira alisa ku Yesu. (Yok 16:13-15).
  - 3) Okubeerawo kwa Kristo nga ddala ye Mukama kuvaamu okubeerawo kwenyini okw'okukola n'okutambula kwe okuyita mu Mwoyo eyeraga okuyita mu birabo.

**Eky'okubaganyako Ebirowoozo**

Yogera ku buzibu obuliwo mu bantu b'omwoyo obw'okubeera nga bali nyo ku Mwoyo n'okuyitiriza okussa essira ku kulabisibwa kw'amaanyi g'Omwoyo. Ensobi eno onoyamba otya okugiziyiza?

### 2. Katonda omu mu basatu.

- a. Ddamu oyite mu 1 Kol 12:4-6.
  - 1) Ebirabo by'Omwoyo Omutukuvu biwandiikiddwa nga kye bitegeeza kwekubeera mu bumu mu njawukana ekisangibwa mu busatu bwa Katonda.
    - a) Enjawukana kitegeeza "eby'enjawulo.”
    - b) Obumu kitegeeza “kyekimu.”

# EBIRABO BY'OMWOYO

Eby'okuwandiika —

- 2) Tuyinza okutunulira enkola ennungi ey'Obusatu.
  - a) Omwoyo agulumiza omwana ate omwana nagulumiza Kitaawe.
  - b) Mungeri yemu, oluny. 4 lwelutuusa ku luny. 5, at oluny . 5 nelutuusa ku luny. 6.
- 3) Mungeri eya ddala, ebirabo eby'Omwoyo bikolera mu busatu Okutwaalira awamu obusatu bwebuli emabega w'okulabisibwa kw'Omwoyo Omutukuvu.
  - b. Ddamu oyitemu ku kyetwakogerako waggulu, ekiwagira okukwaatagana okuliwo okwenyiriri. 4-6 n'enkalala esatu ez'enjawulo ez'ebirabo mu Ndagaano Empya.
3. Okulabisibwa kw'Omwoyo Omutukuvu.
  - a. Mu 1 Kol 12:7 ekigambo "okulabisibwa" kiraga okubikulirwa kw'Omwoyo Omutukuvu. Yebikula okuyita mu kulaga okw'amaanyi. Okulaga kuno kukulukutira mu Bakristaayo.
    - 1) Okulaga kuno mu lujjude kulabwako era kwogera.
    - 2) Mu Bik 2:33, abantu baalaba nebawulira okulabisibwa kw'Omwoyo. Ekimu ku byebawulira be bantu abogera mu nnimi. Okulabisibwa kw'Omwoyo kutwaaliramu ebirabo by'Omwoyo byonna. Ate nebyawandiikibwa biraga bye baalaba.
  - b. Okulabisibwa kw'Omwoyo kwekulabika kw'oyo atalabika.

## Omuwandiisi ky'akyogerako:

Etaala bweyaka tetulaba nsibuko ya masanyalaze. Tulaba bulabi kulaga kwa masanyalaze. Etaala kyekiraga okubeerawo kw'ensibuko ya masanyalaze. Bwekityo nno, ebirabo by'Omwoyo Omutukuvu byebiraga era byebikakasa okubeerawo kw'Omwoyo.

# EBIRABO BY'OMWOYO

**Sa Muno eky'okulabirako Kyo:**

**Eby'okuwandiika —**

- c. Kirina okutegeerekeka nti ebirabo by'Omwoyo bya njawulo ddala ku bibala by'Omwoyo (laba Bag 5:22).
  - 1) Ebibala by'Omwoyo bikulwa okusinziira ku kukula mu Kristo. Okukula kw'ebibala kutegeeza nti waliwo ekigenda mu maaso.
  - 2) Ebirabo by'Omwoyo byebisooka okulabisibwa oba byebiraga Omwoyo okuyita mu bibya ebyewaddeyo eri okubeerawo kwe n'amaanyi ge.
- d. Kituufu nyo nti Abakristaayo abato enyo (abakalokoka) basobola okukozesebwa mu birabo (nga bwekyali mu Kkanisa ye Kolinso). Olw'okulabisibwa kw'ebirabo okwa mangu, Omwoyo yetaaga bwetaazi kibya kyewaddeyo (song'ate ku bibala by'Omwoyo, yetaaga kibya kyewaddeyo na biseera, kubanga kirimu emitendera gy'okukula ).
  - 1) Mu kiseera kyekimu, kirina okutegeerekeka nti waliwo emitendera gyokuyiga egiri mu kubeera ng'okozesebwa mu birabo. Omuntu gyakoma okukozesebwa gyakoma okuwulira emirembe n'okubeera ng'akolera ddala mu kukolera mu birabo by'Omwoyo Omutukuvu.

# EBIRABO BY'OMWOYO

Eby'okuwandiika —

- 2) Mu kyategeeza wano, kisanyusa okulaba nti mu 1 Kol 14 Paulo akozesa ebigambo bisatu ebyawufu mu luyonaani okwawula wakati w'ebika bisatu eby'abantu.
  - a) Ayogera ku abo abakikiriza.
  - b) Ayogera ku batakkiriza.
  - c) Ayogera ku ba "idiotas" mu nyiriri. 16, 23, 24. Ekigambo (idiotas) kitegeeza "abatayigiriziddwa" era ng'alinda ayogera ku Bakristaayo abo abatamanyi kikwaata ku birabo bya Mwoyo. Waliwo wekyetaagisa okubaako kyoyize mu kukozeza ebirabo.

## Ekyokubaganyako Ebirowoozo

Biki ku bimu ebirungi ebiri mu kuba nti Omwoyo Omutukuvu yeraga mu maanyi okuyita mu bantu ba Katonda? Bitundu ki ebyetaaga okulabula, naddala ku bakkiriza abato (mu mwoyo)? Nga omukulembeze, kiki kyolina okukola okulaba nti wabeerawo era wasigalawo okukwaata ebintu mu ngeri y'ekikulu?

### D. Ebirabo by'Omwoyo Kyebikiikirira.

1. Okukola kw'Obwakatonda n'okwa bantu.
  - a. Okukola kw'Obwa Katonda.
    - 1) Ebirabo by'Omwoyo byebiraga Katonda yenyini. Mungeri eno, bya bwa Katonda. Bisukulumye ebya bulijjo.
      - a) Kirina okutegeerekeka nti ebirabo by'Omwoyo si bwe bukugu bwa zi talanta oba obusobozi obutendeke.
      - b) Si kwekukola obukozi okw'Omwoyo okuleetera talanta zaffe n'obusobozi bwaffe okubeera ebikola enyo.

# EBIRABO BY'OMWOYO

2) Ebirabo by'Omwoyo bigabibwa Omwoyo nga ye bwayagala (oluny. 11).

Eby'okuwandiika —

- a) Nekiba nti, Omwoyo asobola okukolera mu muntu nga tafuddeyo ku talanta ze, busobozi bwalina, oba bumanyirivu.
- b) Ebirabo by'Omwoyo tebyesigamye ku kusoma oba butendeke (lowooza ku kyogerwa ku Peetero ne Yokaana mu Bik 4:13).

b. Okukola kw'omuntu.

1) Okusinziira ku 1 Kol 12:7, buli muntu aweebwa okulagibwa kw'Omwoyo. Omuntu y'afuna. Omuntu y'akola

a) Eky'okulabirako, mu Bik 2:4 tulaba nti bo beebatandika okwogera mu nnimi nga omwoyo bweyabawa okuzoogera.

b) Omwoyo si yeyayogera.

c) Yawa omwogezi (omuntu) ebigambo by'okwogera.

2) Ebirabo tebimala galabisibwa oba kukakibwa ku bantu.

a) Mungeri eno, eby'obuntu bibaawo mu bujjuvu bwabyo. Bye bino; obusobozi, talanta, n'obumanyirivu bw'ekibya ekikozesebwa kwekusinziira okulabisibwa.

b) Okulabisibwa tekwesigamye ku bintu bino, naye kino tekitegeeza nti Omwoyo tasobola oba takozesa bintu bino.

# EBIRABO BY'OMWOYO

Eby'okuwandiika —

- c) Endowooza eri nti omuntu ky'ekibya. Ekyetaagisa ku kukozezebwa kw'ekibya kyesigamye ku kweteekateeka na kubaawo kwa kibya.
  - d) Ekibya kiyinza okweteekateeka n'okubaawo okusingawo okuyita mu kuyiga, okwegezaamu n'obumanyirivu. Ensibuko teyesigamye ku bintu bino, naye ensibuko eyinza era ejja kukozeza ebintu bino.
- 3) Enono y'okukola kw'obwa Katonda okukolera mu bantu kukkiriziganya n'engeri Katonda gyeyakozesa abantu okuvaamu ebyawandiikibwa ebyalungamizibwa (laba 2 Peet 1:21).
- a) Omuntu si yeyeyagalira. Kiri nti, Omwoyo (ensibuko) teyasooka kwesigama ku muntu (ekibya).
  - b) Songa, omuntu (ekibya) y'akwaatibwako Omwoyo (ensibuko).
  - c) Kyekitegeeza kiri nti ebinavaamu bijja kusinziira ku kibya olw'ensonga nti biyita mu kibya.
  - d) Eno y'ensonga lwaki waliwo enjiri nya. Omwoyo y'omu (ensibuko) y'emu n'akola okuyita mu bantu ab'enjawulo bana (ebibya eby'enjawulo okuleetawo obubonero obw'enjawulo buna. Omwoyo teyasinziira ku busobozi, nkula na talanta za bawandiisi b'enjiri enya. Song'ate, yakozesa ebintu bino eby'enjawulo ng'okusalawo kwe bwe kwaali.
  - e) Mungeri endala, enono eno yenyini eyinza okuviiramu okulabisibwa kw'ebirabo obutaba kulungi. Ekibya kiyinza okukkiriza Omwoyo kyakola. Ekivaamu kiyinza okuba akavuyo n'okutabuka nga bwekyaali mu kkanisa ya Kolinso.
  - f) Nay'ate, mu kuwandiika kw'ebyawandiikibwa, ebitagwaawo, Katonda teyakkiriza bibya kuziyiza kiki kyeyali akola. Ebibya byali byewaddeyo eri Omwoyo kyeyali akola.

# EBIRABO BY'OMWOYO

4) Okusinziira ku 1 Kol 12:11, okukola kw'omuntu si kwa lubeerera. Omwoyo agaba nga bw'ayagala. Abantu ab'enjawulo bakozesebwa ku bintu eby'enjawulo.

Eby'okuwandiika —

- a) Okulabisibwa kw'ebirabo by'Omwoyo si zi ofiisi oba kulondebwa. Bya kaseera, busobozi bwa kaseera okubaako ekyetaago eky'a mangu kyebusisinakana (laba 1 Kol 12:7 ne 1 Kol 14:26, 31).
- b) Okulabisibwa kw'Omwoyo mu bantu kujja kusinziira. Ebirabo bino si bya bwananyini Omwoyo abeera wa ddembe (Yok 3:8) n'okusinziira ku kusalawo kwe olw'ekigendererwa n'akaseera kasazeewo.
- c) Ekirabo **kiweebwa** (1 Kol 12:7) kaakati. Kya kaakati. Si kyekiva mu kirabo ekyamaze edda okuweebwa nga kati "kiterekeddwa" okukozesebwa mumaaso.
- d) Obudde bwonna, mu mbeera yonna, Omwoyo ayinza okusalawo okutukozesa mu birabo byonna nga bwayagala. Tuteekwa okuba nga tweteeseteese ate nga weetuli.

## Eky'okubaganyako Ebirowoozo

Ng'otegedde nti Katonda akozesa bantu ng'ebibya okulabisa ebirabo eby'Omwoyo Omutukuvu, tusobola tutya okusigala nga twewaddeyo eri okwagala kwe tusobole okweyongera okubeera ebibya by'ebigendererwa bye? Biki ebinaziyiza okubeerawo kwaffe?

c. Engeri y'okulamulamu ebirabo eby'omwoyo.

- 1) Omuntu ne Katonda bwebaba nga balina okubeera awamu waliwo obusobozi bw'okuwaba oba okusobya. Paulo alabika nga ayogera ku kulabisibwa okw'obulimba mu nyiriri. 2, 3.

# EBIRABO BY'OMWOYO

Eby'okuwandiika —

- 2) Abakristaayo banamanya batya oba okulabisibwa kw'ekirabo kuli ku bwa Mwoyo oba kuva walala?
  - a) Okulabisibwa kw'Omwoyo kujja kugulumiza Yesu.
  - b) Okulabisibwa kw'Omwoyo kujja kuba kukwaatagana era nga kukkiriziganya n'ekigambo kya Katonda. Omwoyo, omuwandiisi wa Baibuli, tasobola kukontana. Okweyongerayo, teri kulabisibwa kwa Mwoyo kunagatta oba kunassukka Byawandikibwa.
  - c) Okulabisibwa kw'Omwoyo kujja kulabisibwa mu myoyo gyabo abaliwo. Kiri nti, okulabisibwa kw'Omwoyo kujja kukakasibwa Omwoyo abeera mufu (laba 1 Kol 14:29).

2. Okuweereza mu mubiri (ddamu oyite mu 1 Kol 12:7).

- a. Ebirabo bya **kugasa**. Byakukozebwa olw'obulungi bw'abakiriza.
  - 1) Newankubadde ekirabo kilabisibwa kuyita mu muntu era kiyinza okuba nga kirina omuntu gwekikwaatako oba gwekibuulirwa, omugaso gwakyo omukulu kwekugasa abantu bonna.
  - 2) **Ekirabo** ky'Omwoyo Omutukuvu kisobozesa abakiriza okujulira mu maanyi mu bigambo ne mu bikolwa, songa **ebirabo** by'Omwoyo Omutukuvu biyamba abakiriza okuweerezagana bokka na bokka.
- b. Ebirabo bya kuzimba mubiri gwa Kristo (laba 1 Kol 14:12, 26; ne 1 Kol 14:4-19).
  - 1) Paulo assa essira ku kuzimba. Ayogera olulimi luzimba ye (lunyiriri. 4), naye olulimi lulina okubaako okuluvuunula olw'okusobola okuzimba omubiri gwonna.
  - 2) Essira teliri nyo ku birabo. Liri ku kuzimba mubiri gwa Kristo.

# EBIRABO BY'OMWOYO

Eby'okuwandiika —

c. Ebirabo bigasa abantu bonna mungeri biri:

1) Bonna bazimbibwa olw'ebirabo (1 Kol 14:4, 5, 12).

2) Buli omu akozesebwa mu kulabisibwa kw'ebirabo (genderera ebigambo mu 1 Kol 12:7, **buli muntu aweebwa**).

a) Buli muntu mu kkanisa alina okuba nga yenyigiddemu.

b) Ebirabo by'Omwoyo tebilabisibwa bakulembeze oba abo abaweereddwa ekirabo mungeri ey'enjawulo. Buli muntu abyenyigiramu.

(1) Kino kisitula okulowooza ku bukulu bw'obubinja obutono. Ekkalisa enene erina okutegekebwa mu bubinja obutono obw'abakkiriza Omwoyo wayinza okukola n'okutambula mungeri ye.

(2) Wetaaga okubaawo engeri y'okukungaana okunene "okukungaana mu yeekalu oba ekkalisa" ate n'okukungaana okw'omukwano ogugenda ewala "okukungaana mu nyumba oba mu maka" (genderera byombi bwebiriwo mu Bik 2:46).

c) Okubeera nti byonna birina okukozesebwa mu birabo kiraga bulazi nti byonna birinako omuwendo gw'obuvunanyizibwa ku kikwaatagana ku kulabisibwa kw'ebirabo.

(1) Omuntu talina kuziyiza kirabo Omwoyo omutukuvu bwamukulembere okukilabisa (newankubadde olumu tekirina kukolera ku musingi gwa 1 Kol 14:27, 29 kukikwaatagana ku ntegeka).

(2) Abantu bonna bavunanyizibwa era ba mugaso (laba 1 Kol 12:14).

# EBIRABO BY'OMWOYO

Eby'okuwandiika —

(3) Bwekityo, ebirabo byonna byetaagisa. Tetulina kunyooma kirabo kyonna (laba 1 Bas 5:20).

(4) Kyenyaamiza bwolowooza ku kunyooma "ennimi" okuliwo ennaku zino. Lowooza ku kigambo, "bye tulowooza obutaba na kitiibwa nyo" mu 1 Kol 12:23. Ennimi zitwaalibwa mu kiti kyekimu nga ebitundu by'omubiri ebitalabwa nyo, songa Katonda ebitundu ebyo byatwaala okuba eby'ekitiibwa, ebisinga okulabika, oba "ebisinga okuba ebirungi" Ensonga eri nti, Tayagala binyoomebwe.

d. Oba nga buli omu **aweebwa** okulabisibwa kw'Omwoyo, tekyetaagisa kubaawo kwenyumiriza ku kikwaatagana n'ebirabo (laba 1 Kol 4:7).

- 1) Amalala gano tegasaana ng'omuntu yenyumiriza ku kikwaatagana n'ebirabo bye.
- 2) Tekyetaagisa mungeri gyetutwaalamu abalala, okussa ekitiibwa mu bamu abalabika nti bebasinga abalala okukikola" oba "bebasinza ebirabo ebingi".
- 3) Engeri entuufu era ennungi erina okukwaatibwamu ebirabo by'Omwoyo esaanye eteeke omuntu emabega. Katonda abeere nti yekka yagulumizibwa.

**Eky'okubaganyako Ebirowoozo**

Ebirabo by'Omwoyo bwebirabisibwa mu kkanisa yo, bizimba omubiri? Omubiri gwonna gubyenyigiramu, oba bantu batono abalondemu s bebalina ebirabo ebyo? Enkola ennungi enetekebwawo etya mu kkanisa yo?

# EBIRABO BY'OMWOYO

## 3. Ebirabo by'Omwoyo byakuyayaanirwa nyo.

Eby'okuwandiika —

a. Okusinziira ku 1 Kol 14:1, ebirabo by'Omwoyo birina okuyaayanirwa enyo. Ekigambo ky'Oluyonaani ekivuunulwa nga okubaako kyoyayaanira”.

1) Okuyaayaanira ebirabo by'Omwoyo si kikyaaamu eri obukulu bw'Omwoyo mu kugaba ebirabo.

2) Mungeri yemu, **ekirabo** ky'Omwoyo Omutukuvu mu Luk 11:9-13 kiweebwa abo abanoonya. Ye, kiweebwa abo abakiyayaanira!

3) Si kikyaaamu okuyaayaanira okubaako n'ekintu ekirungi. Mazima ddala, Katonda asanyuka **“okuwa ebintu ebirungi eri abo abamusaba ”** (Mt 7:11).

4) Abakristaayo balina okuba abayaayaanira ebirabo byonna (1 Kol 14:12).

5) Ekiyinda okuba ekikyaaamu by'ebigendererwa by'omuntu mu kwagala okubeera n'ebirabo by'omwoyo. Ebigendererwa by'ebirabo "kugasa balala." N'olwekyo, okuyaayana tekusobola kubeera kwa kwematiza.

b. Ebirabo ebisinga obukulu byebiriwa (laba 1 Kol 12:31)?

1) Tekisobola kugambibwa bugambibwa nti eky'okuddamu ky'ekibuuza kino y'engeri ebirabo gyebidiringana mu nsengeka eri mu lukalala mu 1 Kol 12:8-10.

a) Kino kyandifudde okulagula okubeera ekirabo eky'okusatu okuva wansi.

b) Songa, Paulo akiraga bulungi mu 14:1 nti okulagula kirabo kikulu.

# EBIRABO BY'OMWOYO

Eby'okuwandiika —

- 2) N'okwagala nakwo si kirabo kikulu. Okwagala si kirabo, kibala.
  - a) Paulo bwagamba nti ajja kulaga ekkubo erisinga okuba obulungi (1 Kol 12:31b) ayogera ku kkubo (ekkuubo ly'okwagala) ebirabo byonna mwebinakolera obulungi ennyo (1 Kol 13).
  - b) Kikulu okugenderera nti Paulo tagamba nti okwagala kunoonyezebwe mukifo ky'ebirabo by'omwoyo, kyagamba wano kiri nti birina okuba awamu. N'olwekyo Paulo agamba mu 14:1, “mugobererenga okwagala, naye muyaayaanire ebirabo eby'omwoyo, ”
  - c) Ebirabo awatali kwagala si bijjuvu.
  - d) Kiyinza okugambibwa era nti okwagala awatali birabo si kujjuvu bwetutegeera nti okutegeeza kw'ekigambibwa wano okwagala kwekubaawo ate n'okukozesa ebirabo.
  - e) Enyiriri ezogera ku kwagala ziri wakati wa 12:31 and 14:1, zonna ezikubiriza abakkiriza okuyaayaanira ebirabo by'omwoyo.
- 3) Eky'okuddamu ekilaga obulungi eky'okuddamu ky'ekibuuzo kyaffe kiri nti okulagula kirabo kikulu (14:1, 5, 39).
  - a) Okulagula kyekirabo kyokka ekiri mu nkalala esatu zonna ez'ebirabo (Bar 12; Bef 4; 1 Kol 12).
  - b) Kikola amakulu nti okulagula kirabo kikulu bwetujjukira kyetwalabye ekikwaata ku mugaso gw'ebirabo (okuzimba ekanisa).
    - (1) Genderera essira ku ngeri okulagula (obunnabbi) gyebuzimba ekanisa mu 14:3-5.
    - (2) Kiki ekiyinza okuzimba omukkiriza okusinga okuwuliriza ebigambo bya Katonda? Obunnabbi (okulagula) ekyo kyebuli kwekwogera ebigambo bya Katonda.

# EBIRABO BY'OMWOYO

Eby'okuwandiika —

- 4) "Ekirabo ekirala ekikulu" kiyinza okuba ekirabo ky'ennimi (bwekigobererwa okuzivvuunula).
- a) Genderera kyekitegeeza "okujjako" mu luny 5. Ennimi eziriko okuzivvuunula ziteekebwa ku daala lyelimu nga "ekirabo ekikulu" eky'okulagula.
  - b) Okubeera nti ennimi zezimu ku birabo ebikulu tekirina kukwewuunyisa, kubanga kubeera kwogera byaama bya Katonda (14:2). Obukulu bw'okwogera kwengeri eno bweraga bwerazi.
  - c) Ekikulu kiri nti ekirabo ky'ennimi bwekigobererwa okuzivvuunula kiba kiweera ddala okwogeraganya okulungi wakati wa Katonda n'omuntu, Era, kuba kwogera ku byaama.
- (1) Paulo bweyalabika nga atatwaalira ennimi waggulu kirina okutegeerekeka nti yali ayogera ku nnimi ezitaliiko kuvuunula (jukira nti twogera ku kuzimba omubiri ate omubiri tegusobola kuzimbibwa bwegutategeera kyogeddwa).
- (2) Kino 1 Kol 14:6 ne 1 Kol 14:19. kyezitegeeza. Ennimi tezanyoomebwa. Singa Paulo yali aziwakanya, olwo oluny. 18 telwalibadde na makulu

# EBIRABO BY'OMWOYO

Eby'okuwandiika —

5) Mu kuwumbawumba, tuyinza okwogeza obukakafu nti ekyokuddamu ky'ekibuuzo kyaffe kiri nti obunnabbi n'ennimi (eziriko okuvuunula) by'ebirabo "ebisinga obukulu" ebyogerwako mu 12:31.

a) Ddala, tewali ku birabo eby'omwoyo ebirala ebyogerwako oluvanyuma lw'okwogera ku "birabo ebisinga obukulu".

b) Paulo yamaliriza nga ayogera kaati ku birabo ebyo ebibiri mu 1 Kol 14:39.

(1) Muyaayaanire nyo okulagula.

(2) Temuziyiza kwogera mu nnimi.

c) Mu kiseera kyekimu, kirina okujjukirwa nti ebirabo byonna eby'omwoyo birina okuyaayaanirwa ennyo (1 Kol 14:1).

**Eky'okubaganyako Ebirowoozo**

Oba okulagula n'ennimi (eziriko okuvuunula) by'ebirabo "ebisinga obukulu" oyinza kusitula otya okulabisibwa kwaabyo, ng'omanyi nti era by'ebirabo ebiyinza okusinga okukozesebwa obukyaamu ne bileeta ekivume?

## **E. Okusengeka kwa 1 Kol 12:8-10.**

1. Walabika nga awali ebibinja bisatu mu birabo by'Omwoyo ebiri mu 1 Kol 12:8-10.

a. Ekigambo "omulala" kiddibwaamu emirundi munaana.

b. Nay'ate, emirundi ebiri ekigambo ky'Oluyaanaani kiri "heteros" ate emirundi mukaaga ekigambo ky'oluyonaani kiri "allos."

1) "heteros" kyekitegeeza kiri nti "omulala ow'ekika ekirala".

2) "allos" kyekitegeeza kiri nti "omulala bwebafanagana".

# EBIRABO BY'OMWOYO

2. N'okutegeera kuno, tulaba ensengeka eriwo mu lukalala. “Heteros” kiri wakati w'ebirabo **eky'ekigambo eky'okutegeera n'okukkiriza**. Era kiri wakati **w'okwawulanga emyoyo n'engeri z'ennimi**. Awalala wekiri nti "n'omulala" bivuunulwa okuva mu kigambo ky'Oluyonaani “allos.”

Eby'okuwandiika —

a. Eky'okulabirako, oluny. 8 ne 9 zalivuunuddwa bulungi nti: kubanga omulala omwoyo amuweesa ekigambo ky'okutegeera ku bw'omwoyo y'omu; eri omulala ow'ekika ekirala mu kukkiriza ku bw'omwoyo y'omu, ate eri omulala bwebafanaganya ebirabo eby'okuwonya ku bw'omwoyo y'omu.

b. N'olwekyo tusobola okusengeka ebirabo mu bibinja bisatu:

1) Ebirabo eby'okutegeera (Ebikozesa Amagezi):

- a) Ekigambo ky'amagezi.
- b) Ekigambo ky'okutegeera.

2) Ebirabo by'ebikolwa ebirabika (Ebissuka Amagezi):

- a) Okukkiriza.
- b) Ebirabo by'okuwonya.
- c) Okukola ebyamagero.
- d) Okulagula.
- e) Okwawula emyoyo.

3) Ebirabo ebissukuluma amagezi n'okutegeera:

- a) Engeri z'ennimi.
- b) Okuvuunula ennimi.

# EBIRABO BY'OMWOYO

Eby'okuwandiika —

## Ekyokubaganyako Ebirowoozo

Yogera ku bika by'ebirabo ebisatu ne lwaki ebirabo byaliteekedwa mu bika bino.

### F. Okuyiga ku Buli Kirabo.

#### Omuwandiisi Kyakyogerako:

Omubiri gwa Kristo gwawukana ku kutegeeza n'enkola y'ebirabo bino. Twala akaseera okulowooza ku birabo bino.

1. Ekigambo ky'amagezi n'ekigambo ky'okutegeera.
  - a. Lowooza ku Bar 11:33, 34 ne Bak 2:3. Yogera ku birabo ebibiri ku kikwaatagana ku nyiriri zino.
  - b. Ebirabo bino biraga endowooza ya Katonda era byenyigirwamu ebirowoozo by'omuntu.
  - c. Ekirabo si magezi oba kutegeera. Kiba kigambo, kwogera, oba ekigambo kya magezi oba okutegeera. Kiri nti, kigambo kya magezi oba kutegeera. Si kuba na magezi oba kutegeera.
  - d. Lowooza ku 1 Kol 2:1, 2 ne 2:13. Yogera engeri ekigambo kya magezi gyekikwaatagana n'enyiriri zino ebiri.
  - e. Ekirabo kya magezi kisobola okulungamya ebirabo ebirala kubanga kirimu okutegeera okugenda ebuziba, okwawulawo (ekituufu oba ekikyaamu), n'okulamula.
  - f. Soma Bik 6:1-6; 13:1-3; 15:28-31. Lowooza ku ngeri ekigambo kya magezi gyekyetaagibwa mu gavumenti n'omulimu gw'ekkanisa.
  - g. Soma Luk 12:11, 12; Mat 22:15-46; Bik 6:8-10. Lowooza ku ngeri ekigambo kya magezi gyekisobola okukozesebwa okubuzabuza omuntu.

# EBIRABO BY'OMWOYO

Eby'okuwandiika —

- h. Oba nga Obukristaayo kwekutegeera amazima g'obwa Katonda, ekigambo ky'okutegeera kibeera nga kwekulangirira amazima ago.
- i. N'olwekyo, ekigambo ky'okutegeera kikulu mu buweereza bw'okusomesa. Kiwa okugenda ewala kw'okuyigiriza (laba 1 Kol 14:26).
- j. Ekigambo ky'okutegeera kiyinza okubaamu ebintu ebyayita, ebiriwo n'ebyomumaaso (laba 2 Sam 12:7-13; Yok 1:47-50; Yok 4:39; Bik 5:1-11).

## Eky'okubaganyako Ebirowoozo

Yogera ku birabo bino era owe kubujulizi ku ngeri gyebilabisidwamu.

### 2. Okukkiriza.

- a. Tuyinza okuyita ekirabo ky'okukkiriza "okukkiriza kw'enyawulo" ekitali "kukkiriza kwa kulokoka" (Bef.2:8) oba "kibala kya kukkiriza" (Gal 5:22). Kwe kukkiriza okufunibwa olw'omulimu oba ekintu eky'enjawulo (laba Bik 27:25-44).
- b. Lowooza 1 Kol 13:2 ne Mak 11:22, 23. Yogera ku ngeri ekirabo ky'okukkiriza gyekiyinza okukolagana n'ebitundu bino.
- c. Si kyekintu ekiva mu birowoozo. Kulabisibwa kwa Mwoyo Mutukuvu. Omwoyo Omutukuvu yassa amaanyi mu kukkiriza kuno. Okwagala kw'omuntu tekusobola kussa maanyi mu kukkiriza. Katonda mukulu mu kulabisibwa kuno.

## Eky'okubaganyako Ebirowoozo

Yogera ku kirabo kino era owe ne kubujulizi ku ngeri gyekilabisiddwamu.

### 3. Ebirabo by'Okuwonya.

- a. Kuno kulabisibwa kwa Mwoyo Mutukuvu. Katonda yawonya. Ffe tuli bibya bubya eby'okulabisibwa obwo (laba Kuv 15:26).
- b. Abakkiriza bonna basobola okwenyigira n'okuweereza mu buweereza bw'okuwonya (Mak 16:18) nga Omwoyo kwasalawo okukolamu mu kirabo kino.

# EBIRABO BY'OMWOYO

Eby'okuwandiika —

- c. Yesu yawonya ng'akozesa amaanyi g'Omwoyo Omutukuvu (Luk 4:14, 40; 5:17; Bik 10:38). Ayongera okuwonya ng'ayita mu bakkiriza (Bik 3:6; 4:30; 9:34).
- d. Mulimu engeri essukka mu kimu mu kirabo kino. Mu luyonaani kigamba nti birabo bya kuwonya. Mu kirabo kimu mulimu ebirabo bya njawulo mu ngeri y'okuwonya endwadde ez'enjawulo (laba Mat 4:23).
- e. Ebirabo by'okuwonya tebikola lwa kwagala kwa muntu oba lwa butukuvu bwa muntu (Bik 3:12).
- f. Kubanga ebirabo bya biseera bimu ate nga si bya kubeererawo ddala, abakkiriza tebalina kutwaala birabo bya kuwonya ng'ebibeera mu bbo.
- g. Ebirabo by'okuwonya tebiwakanya kuwona kwa butonde, naye mwebiva. Katonda ayinza okukozesa engeri ez'enjawulo okutuukiriza okwagala kwe mu bulamu bwaffe.

## Eky'okubaganyako Ebirowoozo

Yogera ku kirabo kino era owe ku bujulizi ku ngeri gyekilabisidwamu.

### 4. Okukola ebya magero.

- a. Kivuunulwa nti: **okukola oba okukola kw'amaanyi.**
- b. Bitera okukwaatagana n'obubonero n'ebyewuunyo (Bik 2:22, 2 Kol 12:12; Beb 2:4) era nga bikola ng'akabonero k'okujja kw'obwakabaka mu bujjuvu bwabwo (laba Beb 6:5).
- c. Lowooza Yok 2:1-11; Luk 8:22-25; Mat 14:22-27; Yok 6:1-14; Mak 5:35-43; Yok 11:1-44. Situlawo okukubaganya ebirowoozo ku kirabo kino.
  - 1) Genderera engeri ebyamagero gyebibeera nti bikolebwa olw'omugaso era nti biriwo kulaga kusaasira, kulumirirwa na kufaayo.
  - 2) Tebikolebwa kwefunira tendo oba kulaga bulazi maanyi. Omugaso gwabyo kulaga na kugulumiza Katonda (Luk 7:15, 16; 19:37).

# EBIRABO BY'OMWOYO

- d. Ebyamagero tebiwakanya ngeri ya butonde. Bisukkuluma engeri y'obutonde. Ensi gyetulimu yonna eri wansi w'obukulu bwa Katonda. Kyeyakola edda, asobola okukikola era ng'okuteesa kwe bwekuli. Takugirwa bya butonde kyebisuubira.
- e. Lowooza Yok 14:12 kyetegeeza ku kikwaatagana n'ekirabo kino.
- f. Ebyamagero birina buli kaseera okugoberera okubuulira kw'enjiri (Mak 16:20).
- g. Katonda akola ebyamagero mu ngeri nyingi oba mu nkola nyingi okukoka ebyamagero (okukola) Waliwo ebyamagero bya ngeri nyingi (genderera ekigambo ebyamagero - bissukka mu kimu).
- h. Tuyinza okusuubira okulinya oba okweyongerako mu kukola kw'ebyamagero (ebya Katonda n'ebya Satani) mu nnaku ezisembayo (laba Kub 11:3-6; 2 Bas 2:9; Mat 24:24). Byonna ebirabika nga byamagero kungulu, biyinza obutaba bitukuvu. Katonda ayagala tubeere nga twawula emyoyo

## Eky'okubaganyako Ebirowoozo

Yogera ku kirabo owe ne kubujulizi ku ngeri gyekilabisidwamu.

### 5. Okulagula.

- a. Lowooza ku Kubal 11:29; Bik 2:17; 1 Kol 14:31.
- b. Bonna bayinza okulagula, naye si bonna nti bannabbi (laba Bef 4:11; 1 Kol 12:28, 29).
- c. Okulagula kusinziira ku kubikulirwa kwa Katonda (1 Kol 14:29, 30) si ku muntu byalowooza oba byagunjawo.
- d. Obunnabbi busobola okubeera okwogera ku biki ebinabaawo naye ng'okusinga buba bwogeza obuyinza bw'ebiri mu mutima gwa Katonda. Obunnabbi busobola okubeera nga buzimba oba bwogera ku mbeera naye nga buba busitula era nga busitula. Bannabbi b'Endagaano Enkadde batwaalibwa era baalabwa nga bakowoola Isiraili era nga bagikubiriza okudda eri Katonda bbo Isiraili gwebayatula nti bamwagala.

Eby'okuwandiika —

# EBIRABO BY'OMWOYO

Eby'okuwandiika —

- e. Obunnabbi bubeera bulungamywa wa awalina okugendebwa (obunnabbi nga bwa muntu). Songa'ate, bulina okuba nga bukakasa ekiri mu muntu gwebuweebwa (lowooza ku Bik 13:1, 2). Kiyinza okuba ekirungi okusinga okukiyita okukakasa oba okulungamywa okuteekateeka.
- f. Obunnabbi okusinga bwa bakkiriza (1 Kol 14:22), naye busobola okugasa era okukwaata enyo ku batakkiriza (laba Yok 16:8; 1 Kol 14:24, 25). Kino era kirabika mu buweereza bwa bannabbi mu Ndagaano Enkadde.
- g. Katonda si yayogera. Awa nnabbi ebigambo by'okwogera. Nnabbi ayogerera Katonda. Lowooza ku ngeri Alooni gyeyayogereranga Musa mu Kuv 4:14-16. Alooni yayogera ate ye Musa yali nga "Katonda"eri Alooni ne Alooni yali nnabbi wa Musa.
- h. Okulagula ky'ekintu ekisobola okuyaayaanirwa n'okufaako ng'Omwoyo bwagaba ekirabo (1 Kol 14:31). Obumanyirivu buyamba nnabbi okukula n'okusitula omutindo gw'okukkiriziganya n'obuvunanyizibwa bwe obw'omuwendo naye nga bwa maanyi
- i. Okulagula oba obunnabbi tebuweebwa watali muntu kwefuga. Alagula abeera yegendereza Katonda we n'abantu baawa obunnabbi mu kiseera kyekimu (soma 1 Kol 14:32). Buli nnabbi afuga obunnabbi era alina okukkiriza bannabbi abalala okubaako kyebogera n'okulamula. Bannabbi balina okusanganamu ekitiibwa bokka na bokka. Bannabbi n'obubaka bwabwe birina okupimibwa (okulamulwa) bannabbi abalala.
- j. Bannabbi balina okwewaayo mu kutya Katonda balyoke bakozezebwa Katonda (Lowooza ku Yer 23:14). Bateekwa okuba n'enkolagana ey'omukwano ne Katonda okusobola okuwulira okuva gyalali (Yer 23:21, 22).
- k. Ensonga zino kazikole nga okulabula:
  - 1) Wegendereze osobole okwewala abakusaba okubawa obunnabbi.
  - 2) Wewale obunnabbi "obw'okweganyulwamu."
  - 3) Wegendereze obunnabbi obulamula.

# EBIRABO BY'OMWOYO

Eby'okuwandiika —

- 4) Wegendereze engeri enjingirire ey'okwozeza eddoboozi ng'olagula. Omwoyo atukozesa okusinziira ku ki kyetuli si kusinziira ku kiki kyetulowooza oba kyetwagala okubeera.
  - 5) Wegendereze obunnabbi obutabulatabula (mu kiseera nga waliwo ekigenda mumaaso) nga mukungaanidde wamu mu kkanisa.
6. Okwawula emyoyo.
- a. Waliwo engeri nyingi ez'enkola y'emyoyo n'olwekyo okwawula emyoyo okwa maanyi kwetaagisa.
  - b. Okwawula kuteekwa okubaawo wakati w'omuntu, emizimu, n'emyoyo gya bamalayika. Ebiseera ebimu twenyigira mu "lulalo olw'omwoyo" nga tuwakanya emyoyo emikyaamu songa twandibadde tuwakanya okwegomba kwaffe okw'omubiri.
  - c. Lowooza 2 Bassek 6:14-17; 1 Bassek 22:22, 23; Yer 23:16; Yok 1:47; Mak 1:23-25; 2:8; Luk 11:14; Mat 16:23; Yok 2:25; Bik 5:1-9; 13:9, 10; 16:17, 18. Situlawo okukubaganya ebirowoozo.
  - d. Lowooza emitendera gy'okuyiga egiri mu kirabo kino (Beb 5:14). 'Okukozesa kuleeta obusobozi bw'okwawula wakati w'obulungi n'obubi.
  - e. Lowooza obukulu bw'ekirabo kino ng'oyiga 1 Yok 4:1; 1 Tim 4:1; 1 Kol 2:14, 15; 2 Bas 2:9, 10.

## Eky'okubaganyako Ebirowoozo

Yogera ku kirabo kino owe obujulizi ku ngeri gyekikozemu.

7. Engeri z'ennimi n'okuvvunula ennimi.
- a. Okwogera mu nnimi kisoboka era kwakuyaayaanirwa abakkiriza bonna (1 Kol 14:5).
  - b. Okwogera mu nnimi kwekusaba n'Omwoyo (1 Kol 14:13-15). Tuyinza okwogera ku lulimi lw'okusabiramu (Bef 6:18; Yud 20). Tuyinza era okwogera ku "luyimba lw'Omwoyo (laba 1 Kol 14:15 ne Bef 5:18, 19).

# EBIRABO BY'OMWOYO

Eby'okuwandiika —

- c. Ennimi (si ng'okusaba oba oluyimba mu Mwoyo, naye mungeri y'okubeera ekirabo ky'abantu) zirina buli kaseera okugobererwa okuvvunula.
- d. Newankubadde ennimi zoogerwa **eri** Katonda, okuzivvunula (genderera nti si nzivvunula) kulina okutegeezebwa abantu (okwogerwa ng'abantu bawulira). Waliwo enkola nti omuntu ng'ali yekka mu kusaba ayinza okunoonya "okutegeera" nga kukwe yetegeere.
- e. Okuvvunula ennimi kukulemba okukola kw'ennimi.

## Eky'okubaganyako Ebirowoozo

Yogera ku kirabo kino owe obujulizi ku ngeri gyebukozemu.

- 8. Lowooza ku ngeri ez'enjawulo engeri ebirabo gyebikolaganamu awamu n'obuweereza obulala. Eky'okulabirako:
  - a. Okwawula emyoyo kutera okubaawo ng'obuweereza bw'okusumululwa (Bik 16:18).
  - b. Ekirabo ky'okukkiriza kiyinza okukulemba ebirabo by'okuwonya.
  - c. Okwawula emyoyo kuyinza okwetaagibwa okulamula ekirabo ky'obunnabbi.
  - d. Ekigambo ky'okutegeera oba okumanya kiyinza okukulemba ekirabo ky'okukkiriza.

# EBIRABO BY'OMWOYO

## Ebirabo by'Omwoyo bya leero?

Okuddamu ekibuuzo kino, lowooza ku bitundu bino.  
Byonna biraga nti ebirabo bya kubaawo okutuusa Kristo lwalidda

1 Kol 1:4-7;  
Bef 4:7-13;  
Baf 1:9, 10;  
Bak 1:9-12;  
1 Bas 5:11-23;  
1 Peet 4:7-10;  
1 Kol 13:8-12

Eby'okuwandiika —

## Eky'okubaganyako Ebirowoozo

Okukozesa 1 Kol 13:8-12 okugamba nti ebirabo sibya kaakati, oteekwa okugamba nti "ekituufu era ekisinga" kwekugalawo n'okuva ku Byawandiikibwa. Song'ate, bwetwekeneenya ekitundu ekyo engeri gyekitegekeddwa ejja kulaga nti "ekituufu" kyogera ku Yesu..

Tunula weekeneye oyige ekipande kino wansi eky'engeri  
1 Kol 13:8-12 gyesengekeddwa ositulewo okukubaganya ebirowoozo.

1 KOL 13:9,10	1 KOL 13:11	1 KOL 13:12	
Mu kiseera kino okutegeera n'obunnabbi bikyaali bya kitundu	Nayogeranga ng'omuto, nnategee ranga ng'omuto, nnalowoozanga ng'omuto	Kaakati siraba bulungi	Kaakano ntegerako kitundu
Ebituukirivu bwebirijja	Bwennakula	naye	naye
Eby'ekitundu birivaawo	Ne ndeka eby'obuto	tulitunulagana n'amaaso	tulitunulagana n'amaaso

Genderera: Wetulabira nti okujja kw'ebituukirivu kwe kujja kwa Mukama waffe Yesu omulundi ogw'okubiri we wano mu bigambo "tulitunulagana n'amaaso" naye. Tetukomye wano, tulina ebitundu bingi mu Byawandiikibwa ebyogera ku kudda kwa Kristo nga OKUJJA kwe. Ddala, kiri nti ebituukirivu BWEBIJJJA eby'ekitundu (ebirabo by'omwoyo) birivaawo. Naye nga tekinabaawo ebirabo bijja kuba bikyakola.

# EBIRABO BY'OMWOYO

Eby'okuwandiika —

## III. Ebirabo Ebikola omulimu ng'Ekisa kya Katonda kyetwaweebwa bwe kiri.

### Omuwandiisi kyakyogerako:

Weetutuuse, tuva ku kulowooza ku birabo by'Omwoyo Omutukuvu netulowooza ku kika ekirala eky'ebirabo by'omwoyo byetunayita "ebirabo ebikola omulimu ng'ekisa kya Katonda kye twaweebwa bwekiri" (ebisangibwa mu Bar 12:6-8).

### A. Mu Bar 12:6-8, waliwo olukalala 'lw'ebirabo ebikola omulimu' ng'ekisa kya Katonda kye twaweebwa.

1. Tukiraba bulungi nti bino birabo bya mwoyo okuva ku lunyiriri 6, wetulaba ekigambo ky'Oluyonaani "Charismata".
2. Kiragibwa mu lunyiriri 3 nti biweebwa oba "bigabibwa."
3. Ebigambo ebikozesebwa mu nyiriri 6-8 n'omugaso gw'ekigambo "omulimu" mu luny 4 biraga nti bino birabo "bikozi bya mirimu".

### B. Ebirabo bino ebikola emirimu era biyitibwa birabo "ebiwa ekiruubirirwa" oba "obiwa obuyinza okukola omulimu."

1. Ebirabo bino bijja kuwa amaanyi, era bisobozese omuntu okubaako omulimu gwatuukiriza.
2. By'ebirabo ebitwaala omuntu okuba ng'alina obuweereza bwalimu Bikiriziganya era biyamba nyo enkula y'omuntu kubanga by'ebirabo ebikola obulamu bw'omuntu.
3. Ebirabo bino biraga engeri omuntu gyakolamu (ki kyakola) mu mubiri gwa Kristo (12:4, 5).

# EBIRABO BY'OMWOYO

- a. Buli muntu Omukristaayo alina waakiri ekirabo. Engeri y'obutonde kwekukolera mu buweereza obukwaatagana. Omukkiriza ajja kuwalirizibwa okukolera mu nkola eyo.
- b. Omukkiriza alina obuvunanyizibwa okuweereza mu mubiri ku kikwataatagana ku kirabo kye oba ebirabo bye. Buli muntu wa mugaso eri okukola n'abalala (n'olwekyo n'ebirabo ebirala ate n'abantu abalala).
- c. Abakulembeze mu kkanisa bayitiddwa okugatta abantu ab'enjawulo babeere bumu. Kyetaagisa okufuna ebirabo ebituufu okuba nga bikolera wamu okutuukiriza omulimu gw'obuweereza (Bef 4:11, 12).

Eby'okuwandiika —

## C. Ebirabo Ebikola Emirimu Birabo Ebibeerawo Obutavaawo.

1. Obutafananako nga ebirabo bi pneumatic eby'Omwoyo Omutukuvu, ebilabisibwa akaseera, ebirabo bya Bar 12 birabika okuba ebirabo ebibaawo obutavaawo ebiraga ki omuntu kyali n'empisa ze.
2. Ebirabo ebikozi by'emirimu Katonda ayinza okubigaba ng'omuntu yakalokoka oba ng'amaze okulokoka. Okujjula omwoyo kiyinza okwanguya n'okulungiya omuntu byakola ne byali (laba 1 Tim 1:11-16; 2 Kol 9:8).
3. Ebirabo ebikola emirimu biyinza okuweebwa omuntu nga yakazaalibwa oba okuyita mu kuzaalibwa okusinziira ku ntegeka za Katonda eri obulamu bw'omuntu oyo (laba Bag 1:15; 1 Sam 1-3; Is 49:1, 5; Yer 1:5; Luk 1:13-17).

### Eky'okubaganyako Ebirowoozo

Kozesa ekipande kino okumaliriza essomo lyaffe ku "birabo ebikola emirimu" ebiri mu Bar 12:6-8. Lowooza era oyogere ku buli kirabo. Tusobola tutya okunyonyola n'okutegeera buli kirabo? Tusobola kugerageranya tutya buli kirabo ku kinaakyo?

# EBIRABO BY'OMWOYO

# Eby

[illegible]

# EBIRABO BY'OMWOYO

[illegible]

# EBIRABO BY'OMWOYO

Eby'okuwandiika —

## Eky'okola mu Kibiina:

Omanyi ebirabo byoweereddwa? Omanyi ebirabo abalala boli nabo bebyalina? Oba oli awo olina byomanyi olw'ebyo byolaba naye nga wetaaga obukakafu "Okunoonyereza Ebirabo by'Omulumu" (okusangibwa mu byongerwako) kusobola okukozesebwa okuwa okumanya n'obukakafu.

Kozesa Embalilira ng'ekkubo okutuuka ku:

1. Kusitula okwagala ebirabo.
2. Okusitula okubaganya ebirowoozo mu bubinja obutono ng'essira liri ku kukubiriza balala kukozeza birabo byabwe.
  - Oluvanyuma lwa buli omu okumaliriza okuddamu ebibuuzo era nga bamaze n'okubala obubonero ekibiina kisobola okwegabanyamu mu bubinja obutono.
  - Buli muntu asobola okwogera obubonero bwe. Abalala bayinza okuzaamu oyo ayogedde obubonero bwe amaanyi n'okukakasa ebirabo ebyo mu muntu oyo.
3. Situlawo okukubaganya ebirowoozo ku ngeri ebirabo ebikola omulumu" eby'enjawulo gyebiteekwa okukolera awamu. Wandika olukalala lw'engeri ezitali zimu buli kirabo mwekyetaagira kinaakyo.
4. Muteekewo akaseera akakusaba n'okwewaayo eri Omwoyo omutukuvu okujjuza abakkiriza olw'omulumu ogwa maanyi mu birabo bino. Tekitera kulabika okulaba ng'Omwoyo alabisa ebirabo ebipya mu kwewaayo bwekuti. Mumwesige okugulumiza Yesu wakati mu mmwe.

Genderera: Tkozesa mbalilira ng'engeri "ey'okugabira" abantu ebirabo. Jukira nti embalilira kyakukozesa bukozesa. Kusobola okukozesebwa ng'ekyokukozesa okukakasa oba ng'ekyokutumanyisa ebirabo byaffe. Nay'ate, tekisobola kugaba birabo.

# EBIRABO BY'OMWOYO

## IV. Ebirabo bya Kristo Eby'okuweereza.

### A. Okuwumbawumbako.

Eby'okuwandiika —

1. Mu Bef 4:11 Tusangawo ebirabo ebirala Kristo byaawa Ekanisa. Bino biyitibwa ebirabo "eby'okuweereza" oba "ebirabo omuntu mwakolera".
  - a. Ebirabo bino bisobola okulowoozebwa ng'ekifo mu buweereza, oba omuntu waali mu oba wakolera (ekifo kyalimu era kyakolera) mu Ekanisa.
  - b. Bikozebwa okuweereza n'okukubaganyamu okuweereza okuyita mu kutuukiriza abalala.
2. Tetujja kumala biseera na kunyonyola kungi mu ssomo lino Ebirabo bino byogerwako mu massomo amalala mu MOTMOT.

### B. Okugerageranya Ebika by'Ebirabo.

1. Okusobola okulaba enkula y'ebika by'ebirabo ebisatu, tuyinza okukozesa ekirabo ekisangibwa mu nkalala zonna esatu (obunnabbi). Ebintu by'enjawulo bino bisobola okutegekebwa nebissibwa wansi w'emutwe esatu: omuntu kyaali, obuyinza bwaweereddwa, na kiki kyakola.
  - a. **Omuntu kyaali:** "Omulumu" (Bar 12) gw'okulagula guvaamu kubeera na ngeri, oba kussa ssira ku buweereza obw'obunnabbi. Kiyinza okugambibwa nti omuntu oyo alina empisa z'obwa nnabbi
  - b. **Obuyinza:** "Omuntu kyakola" (ofiisi) ya nnabbi (Bar 12) (Bef 4) kisingawo ku ngeri omuntu gyaweerezamu. Buno buweereza. Ky'ekintu omuntu kyaali okusinga omuntu kyalinga.
  - c. **Ebikolwa oba ebikolebwa:** Okulabisibwa kw'ekirabo ky'obwa nnabbi (1 Kol 12) kwekubeera ng'omuntu alagula olw'ekigenderwa.
2. Katonda yafuula omukkiriza ng'amuteeka mu kifo ekyo era ng'amufuula ekyo. Kino kwekubeera. Omuntu ono yamuwa ekanisa ng'ekirabo, n'ekkanisa etegeera ekirabo. Buno buyinza na kiki omuntu kyakola (ofiisi). Omuntu ono aweereza abalala mu mubiri ng'akola, oba ng'ayogera Ekigambo kya Katonda eky'obuyinza. Nnabbi bwati bwabeera..

# EBIRABO BY'OMWOYO

Eby'okuwandiika —

# EBIRABO BY'OMWOYO

## V. Ebyongerwako: Okunoonyereza ku Birabo Ebikola Omulimu.

Eby'okuwandiika —

### Omuwandiisi Kyakyogerako:

Okunoonyereza okuli muno kwa kukuyamba kuvumbula na kunyweza kirabo kya buweereza bwo mwokolera nga bwekinyonyolwa mu Baruumi 12. Ebirabo bino mulimu obunnabbi, okuweereza, okuyigiriza, okugaba, n'okusaasira. Gyeweyongerera okumanya ebirabo byo kyebiri, ojja kusobola okuzuula emikisa gy'okuweereza ng'okozesa ebirabo by'obuweereza bwo.

### Ebyokugoberera mu Kunoonyereza:

Soma buli kitundu ku ebyo wansi n'obwegendereza, olwo owandiike kyolowooza mwogwa (namba okuva ku 1-5) mu kifo ekyereere ekiri ku kkono londako ku by'okuddamu ebiddirira wano wansi kyolowooza mwogwa

- 1 = Sigwaamu nakatono
- 2 = Ngwaamu katono
- 3 = Ndi awo sirina wengwa
- 4 = Ndi awo ndowooza ngwaamu
- 5 = Awo wengwira ddala

**Genderera:** Tomala biseera bingi ku nsonga emu. Ekikujjira mu birowoozo byo okusooka kyowandiika. Kino si kigezo. Temuli byakuddamu bituufu oba bikyaamu, okujjako engeri eza mazima era entuufu okweyogerako. Tosaanye kuddamu kusinziira ku ki kyoyagala oba kyolowooza nti kyewalibadde. Osaanye oddemu okusinziira ku ki kyoli .

- \_\_\_ 1. Nsobola okutegeera mangu ensobi.
- \_\_\_ 2. Nyumirwa okuyamba abalala nga bwenkola.
- \_\_\_ 3. Nyumirwa okunoonyereza n'okuvumbula amazima.
- \_\_\_ 4. Nsobola okulowoozesa abalala obulungi ku kikwaatagana n'obulamu.
- \_\_\_ 5. Mpulira nga matidde bwemba nga mpadde okusobola okusisinkana ebyetaago by'abalala.

# EBIRABO BY'OMWOYO

Eby'okuwandiika —

- \_\_\_ 6. Nja kubaako kyentandika mu bantu bwekiba kyetaagisa newankubadde si nze muntu gwekikwaatirako ddala.
- \_\_\_ 7. Nkwaatibwako nyo olw'obulumi bw'abalala.
- \_\_\_ 8. Njagala nyo okukubiriza abalala okukyuuka bwebaba nga bagudde mu nsobi.
- \_\_\_ 9. Nfuna essanyu nga nyamba abalala mu buweereza bwabwe.
- \_\_\_ 10. Byempulira ntera okubissa mu kiti ekimu amazima nenganyonyola mu ngeri ematiza.
- \_\_\_ 11. Njagala nyo okulaba abalala nga bassukkuluma era nga bayitawo mu byebakola.
- \_\_\_ 12. Mpalirizibwa okukozesa kitono ku byange okusobola okubaako bingi byempa abalala.
- \_\_\_ 13. Nsobola okukunga abantu era njagala okutandikawo eby'okola.
- \_\_\_ 14. Ntera okulumirirwa ennyo abantu abalala n'ebizibu byabwe byebayitamu.
- \_\_\_ 15. Njagala nyo okwogera amazima.
- \_\_\_ 16. Njagala okwenyigira mu bikolebwa nga si byakulwawo ebirina ebiruubirirwa n'ebibala ebya mangu.
- \_\_\_ 17. Bweba nsoma Baibuli, mpulira era ndaba nti amakulu n'ebigambo ebinjogerako bikulu nyo.
- \_\_\_ 18. Nsobola okuleetera abalala okwolesebwa.
- \_\_\_ 19. Nfaayo nyo okulaba nti bwempaayo sente zikozesebwa bulungi.
- \_\_\_ 20. Nina obusobozi okufuna okwolesebwa okuva eri Katonda n'enkubuulira abalala.
- \_\_\_ 21. Sitera kutuukirira muntu okujjako nga kijja kumuyamba okwewala ebizibu ebirala.

# EBIRABO BY'OMWOYO

- \_\_\_ 22. Ntera okwogera ekintu nga bwekiri ku nsonga. Oba kituufu oba kikyamu.
- \_\_\_ 23. Njagala okuyamba abalala bwekiba nti naasiimiibwa.
- \_\_\_ 24. Bwempulira abalala nga bayigiriza, ntera okwetegereza n'okwekkaanya byebagamba, n'enkikebera mu Baibuli.
- \_\_\_ 25. Nyiikira okwenyigira mu kuwa abalala amagezi.
- \_\_\_ 26. Wamu n'okugaba nze kwenenyigiramu, njagala okukubiriza abalala okugaba.
- \_\_\_ 27. Nsobola okukwaataganya ebyetaago n'ebikolebwa.
- \_\_\_ 28. Saagala kuwakana na bantu.
- \_\_\_ 29. Abantu abalala ebiseera ebimu balowooza nti ndi "mukambwe" kubanga sirumamu bigambo naye nga bwekiri bwenkibagamba.
- \_\_\_ 30. Ndi mwesigwa nyo era eyewaddeyo eri abo benkola nabo.
- \_\_\_ 31. Nzisa nyo essira ku by'okumanya okusinga okubikola. ssss
- \_\_\_ 32. Obulamu mbulaba mu ngeri nnungi era nduubirira kweyongera na kukulakulana.
- \_\_\_ 33. Ntwaalibwa nyo okusisinkana ebyetaago bya balala.
- \_\_\_ 34. Nsobola era muli mpulira okugaba emirimu oba obuvunanyizibwa eri abalala mu ngeri ekola.
- \_\_\_ 35. Njagala nyo okuwolereza abajoogebwa.
- \_\_\_ 36. Ebintu mbiraba era mpitwaala nga bwebiri "ekituufu kiba kituufu" "ekikyamu kiba kikyamu."
- \_\_\_ 37. Ebintu nja kubyekolera mu kifo kyokubinyigiramu abalala ne bwekiba kinanviiramu kukoowa nyo.
- \_\_\_ 38. Mmatira bwemba nga nenyigidde mu mirimu egyetaagisa okukozesa obwongo.

Eby'okuwandiika —

# EBIRABO BY'OMWOYO

Eby'okuwandiika —

- \_\_\_ 39. Nfa nyo ku kusa mu nkola amazima okusinga okunoonyereza amazima.
- \_\_\_ 40. Noonya engeri gyenyinza okuleetawo enjawulo okuyita mu kugaba n'okuwaayo sente.
- \_\_\_ 41. Ndi muntu afa ku biruubirirwa.
- \_\_\_ 42. Nfa nyo ku byetaago na kiki abantu kyebawulira okusinga okutuukiriza emirimu emizibu.
- \_\_\_ 43. Ntera obutafa ku balala kyebanawulira oba gyebanakitwaalamu.
- \_\_\_ 44. Obulamu mbulaba nga ebintu ebyokukola mwenyambira abalala.
- \_\_\_ 45. Obulamu mbulaba nga okukungaanya amawulire omunyonyolwa amazima.
- \_\_\_ 46. Ntera okukubiriza abantu okukulakulana n'okweyongera mu bulamu bwabwe.
- \_\_\_ 47. Ntera okuwaayo ekissukka ekimu eky'ekumi.
- \_\_\_ 48. Ntera obutagumiikiriza bantu batasobola kukolerawo birina kukolebwa.
- \_\_\_ 49. Ntera okuba omwangu ku bantu bentuukirira ne bensoomooza.
- \_\_\_ 50. Sigumiikiriza batakkiriziganya na bwendowooza ku nsonga.
- \_\_\_ 51. Nkola nyo mu kkanisa yange, buli kaseera noonya mikisa gya kuyamba balala.
- \_\_\_ 52. Ntera okuddamu byenjogedde nga kyenjagala ntegerekeke bulungi ku kyengamba.
- \_\_\_ 53. Ntera obutafaayo ku bibi oba ebikyaamu, nga ntunulira ludda luliko bintu birungi.
- \_\_\_ 54. Ntera okumanya ebyetaago bya balala okusooka abantu abasinga.

# EBIRABO BY'OMWOYO

Eby'okuwandiika —

- \_\_\_ 55. Mpulira eddembe mu kuwa amagezi abalala nga abantu abalala tebanakikola.
- \_\_\_ 56. Nzikiririza mu buweereza obulimu okufa n'okugumya abalala.
- \_\_\_ 57. Nebwekiba nga kireeta kukyaayibwa, mpalirizibwa okwogera bwewabaawo ekikyaamu ekyogeddwa oba ekikoleddwa.
- \_\_\_ 58. Sifaayo kukola mirimu ginyoomebwa naddala bwekiba nga kireetera abalala okuweereza mu buweereza obuleetawo enjala.
- \_\_\_ 59. Nfa nyo ku kulaga obulungi oba okunyonyola byenzikiriza era njogera ne byekiba nti kunyonyola kutono oba kumpi.
- \_\_\_ 60. Nina obusobozi okutegeera edaala ly'omwoyo omuntu kwaali era mbazaamu amaanyi okweyongera ku daala eddala.
- \_\_\_ 61. Kinkola bubi bwendaba asaba sente mu ngeri y'okukyamuka n'okuba nti aziri mu bwetaavu nyo.
- \_\_\_ 62. Ntera okuba nti abantu bannewa nyo songa nze sibeewa.
- \_\_\_ 63. Njagala okuweereza eri abo abalekeddwa abalala.
- \_\_\_ 64. Katonda ankozesa okunyeenya obulamu n'obuweereza obusikkatidde oba obutagenda mu maaso.
- \_\_\_ 65. Sitera kugamba "nedda" eri bantu betaaga buyambi.
- \_\_\_ 66. Nsobola okunyonyola ebitundu ebizibu mu Baibuli eri abantu mu ngeri gyebasobola okutegeeramu.
- \_\_\_ 67. Njagala nyo okuyimusa obumu mu Bakristaayo.
- \_\_\_ 68. Ntera okwenyigira mu mirimu egyetaagisa ebintu ebikozesebwa okugumaliriza.
- \_\_\_ 69. Njagala era nsobola okukwaata obulungi embeera.
- \_\_\_ 70. Nyumirwa okukyaalira abantu mu malwaaliro, amakkomera, n'ebifo omuli ba kateyamba.

# EBIRABO BY'OMWOYO

Eby'okuwandiika —

## Okuvumbula Ebirabo Byo:

Ng'omaze okuyita mu kunoonyereza, ttonyeza ku muwendo okusinzira ku kyolaba ekikulimu mu kipande kino wansi, ogatte emiwendo mu buli lunyiriri. Enyiriri ezirina emiwendo egisinga okuba egya waggulu gyegiraga ebirabo ebikolera muggwe byolina!

OLUNYIRIRI 1	OLUNYIRIRI 2	OLUNYIRIRI 3	OLUNYIRIRI 4	OLUNYIRIRI 5	OLUNYIRIRI 6	OLUNYIRIRI 7
1)	2)	3)	4)	5)	6)	7)
8)	9)	10)	11)	12)	13)	14)
15)	16)	17)	18)	19)	20)	21)
22)	23)	24)	25)	26)	27)	28)
29)	30)	31)	32)	33)	34)	35)
36)	37)	38)	39)	40)	41)	42)
43)	44)	45)	46)	47)	48)	49)
50)	51)	52)	53)	54)	55)	56)
57)	58)	59)	60)	61)	62)	63)
64)	65)	66)	67)	68)	69)	70
OMUGATIE						
Obunnabbi	Okuweereza	Okuyigiriza	Okubuulira	Okugaba	Okukulemba	Okusaasira

Ekirabo Ekisinga \_\_\_\_\_

Ekirabo Eky'okubiri \_\_\_\_\_

Ekirabo Eky'okusatu \_\_\_\_\_

# EBIRABO BY'OMWOYO

Eby'okuwandiika —

## Okujjukiza:

Kikulu okujjukira nti obusobozi bwo okuvumbula, okutegeera okukozesa n'okusitula ebirabo byo n'obuweereza bwo **kitera okuba nga kikwaataganira ddala ne:**

1. Okukula kwo mu kutegeera.
2. Okukula kwo mu Mwoyo.
3. Obunyiikivu bwo mu kukozesa ebirabo.
4. Essanyu lyofuna ng'okozesa ebirabo ebyo.
5. Ebibala ebiva mu kukozesa ebirabo.

## Eky'okola mu Kibiina:

Abayizi batondewo obubinja obutono. Bogere ku bivudde mu kunoonyereza kwebakoze..

Ebirabo by'abantu bingi ku binaaba bivuddemu bijja kulaga ebirabo bibiri oba bisatu ebinaaba bissukkulumye ebirala (newankubadde abamu bajja kuba balinamu kimu ekinaaba kissukkulumye ebirala).

Ku bino ebibiri oba ebisatu ekimu kijja kuba kissukkulumye ebirala/ ekirala.

Oyinza okuba n'ekirabo eky'okuna (4)ekitali waggulu naye nga nakyo kirabise kisinga ebisembayo ebisatu.

Lowooza ku bivudde mu kunoonyereza kuno byekitegeeza gyoli. Osobola, ng'oli wamu ne bano, okukakasa nti ebirabo bino bikolera mu ggwe? Olaba engeri gyebikolaganyemu n'engeri ebimu gyebisinga ebirala obukulu?

# EBIRABO BY'OMWOYO

Eby'okuwandiika —

## Gifts of the Holy Spirit: Endnotes

<sup>1</sup>J. Rodman Williams, The Holy Spirit: Presence and Power - class notes from Regent University course (Virginia Beach, VA: CBN University Media Center, 1986). The flow of the major points of the outline of this part of the course are adapted directly from the teachings of Dr. Williams. Used by permission.